



武備志

百六十八之百

ケ 5
61
58



明治
年
日
未

武備志卷一百六十八

防風茅元儀輯

占度載

占二十一

占五行

茅子曰吾于占巳核之詳分之析然又有所謂五行者金水水火土之變而為地為山為水為草木為禽獸為人之見乎四體雜羅之以備大全爾地震者陽伏而不能出陰迫而不能入陰陽相擊



武備志卷一百六十八 占度載 占五行

故震又曰地陰也法當安靜越陰之職專陽之政故應以震又曰陰乘陽弱乘強又曰陰背陰則地裂羌夷叛又曰地動陰有餘臣下強盛

地坼裂士庶分離

地陷者王室亂

裂而有聲四方兵起又曰三苗欲滅地坼及泉又

曰地裂臣叛地震于宗廟者邑有叛臣

地震驚牛馬者天子失位

山崩茲謂陰勝陽弱勝強

山崩湧水君道崩壞百姓將失其所

地生白毛內外騷動民困歲歉

大山常大鳴如牛响聲者天下四分五裂之象

山鳴天下大亂

地動壞城郭盜賊起天子亡

地土忽陷主萬民散

地生肉如片塊其國滅亡

地生白麩其年民飢流亡

地生血天下大亂兵起

營中地動，月內大戰，急宜移營。

城營內地陷，有凶禍，速修省撫卹，吉。

軍中地忽生礮石，其地吉，可久居，養士卒。

石自移，其分野亂。

軍營纔定，川澤原野間，或有盤石，驀地湧出者，大

吉之兆。

營內土地比始至時，微長高者，遷陞吉兆。

營內地上忽生黃凱旋之兆。

營內地忽生毛起錢花及馬蹄形迹者，急宜回軍。

營內地上忽生塵，如有震聲者，三日內還軍。

營內生塵，及有湧泉出，敵人大至。

城營地上忽生水井，此名潤軍克捷之兆。

陂澤忽自竭，城邑空虚。

秋水漲，有兵起。

井忽溢或濁或沸，有聲將帥亡。

井沸或有聲或溢或龍見，井中皆木，敗急，宜移營。

井中氣直上，兵起。

營內氣出，應中央者，獲敵之兆。

城營內忽生火焰大敗之兆

戰不量敵茲謂辱命其寒雖雨物不茂

天子弱諸侯力政厥異水關

君臣相背厥異名水絕

凡欲渡河無故浪起便宜退兵下寨前必有敵可

作防備必勝來兵

君不正臣欲篡厥妖狗冠出朝門

夫婦不嚴厥妖狗與豕交茲謂反德國有兵革

王德衰下人將起則有木生為人狀

專征劫殺厥妖鳥鵲鬪

衆逆同志厥妖河魚逆流上

方伯分威厥妖牡馬生子亡

天下諸侯相伐厥妖馬生人一日諸畜生非其類

子孫必有非其姓者

臣易上政不順厥妖馬生角茲謂賢士不足又曰

天子親伐馬生角

妖言動衆茲謂不信路有亡人司馬死

木非時枯落是謂金刑木不出三年有暴兵從外

國來上

枯木冬生是謂陰陽易位

木生一夜盈尺凶

木卒生道中木忽自鳴作金聲地將分裂

桃李冬花四時不序其年臣奪主位

軍壘中草木自死者凶

軍中地忽生五穀一軍受賞天助之兆

城中樹忽萎黃吾軍大勝

營側樹忽崩摧軍師敗辱

諸樹木花不當時者賊欲來圍急宜移營

營内生艾青嫩而香將軍當病

城營內忽生花草不出旬日兵將俱病

軍行如逢水族魚龍蛟蜃之類皆不吉急宜退避

龍見城壘及池中必有大臣謀異宜察奸伏

龍鬪軍前必有交鋒亡命黃龍得勝黑龍偏勝

龍從軍中飲水國將為虛

龍冬見於道或鬪邑中其地有爭戰

行軍將軍馬前忽見大蛇攔道便宜住軍不可進

亦不可攻戰不利所往有鄰人來驚我軍
軍行忽見蛇交者主將凶

軍行前見太赤蛇者急警備必有交戰

軍行見蛇道中入水者得便利吉

軍營既成有蛇入營求食者營欲荒急移營吉

軍隊中有陰謀

蛇集道上及郡邑中有急兵

軍營中多蛇散敗之兆

軍行見蛇在地前有伏兵

有蛇諸色大小自外入我軍者必有外奸來害

長蛇近營見而飲水急還兵吉

有蛇繞營必有兵來劫寨

蛇入井敗軍之象

軍行若見蛟蛇急須偃兵宴犒不然上將當死

蛟蛇見營中青主疾病黃主疫癘移營則吉

蛇入廳及幕帳中屈盤者勿損之有陰助

軍行路見龜鼉或在營寨內者不宜進

營中鼈見防有內謀併大逆或有水漲速徙去吉

龜蟹入城營中若或有聚蠅億萬計者軍必敗亡
兵屯次有野狼或鹿子入營急宜殺之祭鼓即移
營吉

狼虎號叫傷人七日內兵大至慎之

狼虎繞營如嗥如哭大敗之兆

狼直撞入營五日內敵來降

鹿與野猪從外入營三日內有降人至

營側忽見豪猪必有伏兵見野猪亦凶俱宜移營

照熊害人及猛獸突入營中賊必至

軍行忽有豹狼之類猖獗來衝軍凶

野獸突入軍壘中其軍分敗此不祥之兆

猛獸在軍前行如引道前有城降

營內忽有獐來七日內大戰殺之吉

麋鹿入軍營兵敗散急移營去無害

軍行遇有猿猴宜嚴警備

猿猴入軍壘有好謀兵起

軍營夜有狐狸豺狼頻鳴者將士欲離宜移營吉

兵屯之次狸走入軍而夜鳴者有風火伏兵

狐狸走入營中作窠其營將空

狐豹叫鳴環走軍壘軍敗將辱

狐狼向彼軍鳴急擊之勝若鳴向我軍宜撫士卒

狼狗入營內有奸兵結外敵

免入軍營兩軍和解

免上城邑必空

軍行卒有白兔破軍殺將

營內狗為恠急殺狗血灑戍地深埋三尺以禳之

可擒敵將

犬羣會於衙中犬賊將起一日賊兵至

狗無故上床下人謀上

路逢白鼠行軍大勝若送軍來則凶

路逢赤鼠在前有伏兵急宜搜之

營內鼠行尾舒前向軍有災須醮謝之

營內鷲地鼠成隊行主將有禍當禳之

營內白日鼠搬其子不有火災必有大水急宜移

營

營內鼠在人前舞者必有內奸急宜搜捕

軍中夜被鼠穿地作穴者移營吉

營中晝夜見鼠走者五日內有水災

鼠巢於木有大水

鼠羣舞於道有兵

鼠無敵皆夜去邑有兵

鼠羣行不畏人晝為饑夜為兵

鼠聚營中軍破移營無殃

數小鼠聚見軍中將有反者

鼠咬將軍服襖有喜

營內鼠咬屋椽楹或向屋搬出土者移營前進吉

營內血染衣冠或鼠咬旗鼓皆不利禳之多寨

鼠咬兵仗主破傷

鼠嚙人足有敗亡

軍行野宿鼠咬旗鼓賊欲來斫營

軍行營障未罷有鼠作雄雞聲行營凶

攻城有鼠毛見倉內無糧宜困守之

軍中安營畢忽有牛馬入營作戲軍敗

牛生兩頭其軍分

牛生犢人面獸身兵起

牛夜鳴有暴兵

營內馬咬石兼砂者必有賊兵見獲

馬舞向人休兵凱旋

將帥騎馬之次無敵回頭觸人靴鎧啣人衣服者

下有陰謀已成宜防之

馬廄內天火忽燒大兵必至須備之

營內驢忽夜鳴必有暴兵劫寨

驢馬相追戲於軍門兵罷

六畜能言善惡如其言亦為大水

發軍日白鳥忽來迎軍大勝之兆

野鳥飛入營府其軍將去

鳥巢城上城下不出一年其城被圍

鳥不巢木多在屋室上此謂失常

眾鳥集水上有兵革

軍在野有鳥不識名飛入幕中凶移營無災

眾鳥集旗上將軍有憂

鳥集鼓上將軍病死

羣鳥夜鳴郡邑有憂

大鳥殺物於軍前後有大功

衆鳥徘徊軍上必有暴兵不出三日

羣鳥迎於軍前有暴兵起若戰勝

衆鳥在營上交飛相擊有戰

衆鳥翔起障日羣下有謀宜警備之

衆鳥宿城上頭向內其城被圍

軍行出郊野有鳥來迎是謂受福敵人降伏

兩軍相當有鳥飛來漸及高舉急防銳兵突至攻

戰

羣鳥集城上及軍營中鳴噪其地流血

羣鳥集於軍營前後凶

羣鳥來逆遇軍凶

衆鳥起軍左還泊軍右賊有伏兵

凡野禽入營敵來攻殺嚴兵備之

衆鳥飛舞於市邑中有兵

鳥鵲自死於屋上或軍營上皆凶

大鳥逆行陣上有兵至

眾鳥四向鳴軍上有暴戰

城營內忽聞鳥鳴三兩聲者有勅命至

臨陣之次鳥向四方鳴則於初鳴向處出軍大勝

如軍行忽有大鳥來朝旬內立功封爵

臨陣鳥羣飛向彼軍大勝之兆若自敵軍飛來太

凶

兵發之日旗後有鳥鳴者大勝

軍營內白鳥立旗端相聚者將軍遷陞大吉

羣鳥噪呼作隊又遶營者外兵劫寨

羣鳥隊聚飛去飛來道上或營中見之大凶

羣鳥相聚忽然驚飛鳴向天去者不過三日火燒

營或有兵劫營宜豫防之

城營內四面有鳥千百為羣鳴噪而去急宜固守

鳥相擊鬪有奸爭

鳥集巢而飛必有爭鬪或下吏欲為非

軍行眾鳥集旌旗者必有大戰勿先起

軍行次有鳥羣飛作隊橫列而來者必有伏兵衝

擊

軍行有鳥立在旌旗者必有奸人謀害

下營有鳥立樹枝間或在牙旗上整羽毛者三日

內敵計生奸

下營有衆鳥來集外兵突至或諸將為奸

下營衆鳥集牙旗者急讓之不然大敗

下營有衆鳥羣集其上鳴噪者德鄉慎保無虞若

在刑殺之方敗兵流血

軍行有大鳥伏於營前必有大軍來擊

城營內黃鳥赤頭三日內必有災禍及奸邪叛逆

赤鳥入城營及野雉狐狸來防有風火虛驚用黑

幟厭之

城營內異鳥忽來有刑禍

城營內衆鳥羣飛翳日障天必有內外將猖狂

臨陣有鳥鳴我軍上凶在彼軍則我勝

彼陣上四面有禽來向我軍勿戰若從我陣向前

飛則獲其將

攻城之次有鳥羣飛出城敵軍欲出

有衆鳥飛集彼軍營上敵必棄營遁走不然則舉

管潛伏宜慎防之

攻城有紅鳥見城上名榮感攻之必破

攻城有鳥作猫聲喊或作鳥鳴必有門可入戰必

勝

攻城有鳥如鳳紅頭白尾錦背一曰單鳥攻之必

破

攻城有鳥銜柴落彼軍上不可攻內有糧廣若落

我軍上重賞三軍可勝

攻城有鳥落羽於彼軍上其城必陷落我軍上將

帥退職

攻城有鳥來啼攻之必破若啼於我軍上謹防衝

殺

攻城有鳥於彼軍上作聲大呼不可攻在我軍上

大勝

攻城有羣鳥野雞入營不可攻如殺食之大凶若

飛入彼軍攻之必破

羣鵲噪向敵軍攻之大勝噪向我軍宜防敵至或

不指敵而鬧噪者主虛驚

有羣鵲所向隨鵲攻之大勝

野鵲衆多先水後旱冬有兵

白鵲白鴿皆是兵祥不宜攻戰

下營有白鵲入內作巢者兵大起急宜移營

管治定有白鵲入來入相謀害

城營內靈鵲作巢有火災

城營內鴉鵲圍繞必有外兵攻劫或有災病

城營內鴉鵲無故噪呼有兵災

鴉鵲禽雉等飛入帳幕中無聲者必有下人傷害

鶴鵲巢軍營宮室不出三年夷狄來侵

攻城有鷹鵲鴉鵲鳴者不可攻

鴻鴈之屬來翔營府之上或三日羣謀將起大兵

且至

軍行見鷹鵲順飛向前所向克捷

軍行見鴈不避鷹鵲鷹鵲亦不攫鴈兩軍不戰而

解

鷹搏鵲入軍營必有結義兄弟相圖

城營內有鵲搏鷹者定有奸謀戰則損兵

式前志卷之百八 占度載 占 占五行

鷹鷂入城營有內奸通外敵若鷹來搏為尤凶

鷹鷂逐鳥奔吾軍前有暴兵來

城營內忽見杜鵑來者應有負冤佞臣謀害良將

軍行上有伯勞鳴者主軍分禍起

伯勞鬧噪軍前不過兩月有大禍至

蝗蟲飛從他處來忽死不出三日兵大起

軍住野有蜂擁集營壘軍必散敗

蜂蛛飛衝入軍有賊衝突

軍行見蜂蛛赤色交飛必有戰并伏兵

蜂聚營內欲動兵不持久

營中卒見眾蜂聚鳴急移營防士卒逃散

攻城有羣蜂飛在營中宜隄備修營

攻城有蜂落我軍中不過十日彼有大將來助不

可戰

攻城有螻蛄跳於帥前攻之損兵若入洞穴戰有

損

城營內燕鷗或離徙者必有火災凶禍

城營內鷺有鴛鴦降者奸人內變

城營內水鳥或銜魚至門樓臺屋上者必有大水災

城營內夜靜鳩鳴有暴兵來擊急宜移營

城營內野雉入軍中在德鄉來則吉若在刑方來

有刺客至

雉相戲軍中及聞其兵憂

鷺入城營兵災疾疫

鷺鳴忽作人聲大吉之兆

鵬作鷺聲災非應起速禳之

城營內雌雞作雄聲或夜鳴者家有福雞

雞聚鳴有大兵

黃昏雞鳴回軍之兆

夜半雞鳴兵行宜速

攻城有雞飛彼軍上有好計不可攻

雞不卵而生子及異其形皆兵

燕雀喧鬧爭鬪之兆

城營內雞鳥聲喧鳥勝我敗雞勝賊敗

凡城門及人家門戶忽夜鳴者有兵

國邑城門無故自開不出年兵從中起

小兒里巷相戲以土自壅是為熒惑下降不出一

年有兵攻城

小兒作旗旛兵仗金鼓戰鬪嬉戲聚土石為城壘

者不出二年兵起

小兒以土壅為車轍者四夷侵擾

民作歌謠戲語善惡如其言

人尚采色妖服兵起

人尚胡服戎虜相侵

衣服作異及無故自裂有聲者凶宜棄毀之

婦人好為窄小服者主兵起

人死復生及牛馬生人皆主兵起

將軍衣服無故有淚痕者防有奸謀

將軍帳無故若人搖動者敵兵將解宜速進攻

將軍床帳自動者凶

將軍帳幕自騰起者毀折之象急宜回兵

將軍食次匙筯自動其下行毒

食器中有血大凶宜棄之

大將門廳自鳴下將謀上

城營內擊鼓不能鳴者大敗之兆移寨則吉

鼓角自鳴必有大軍來擊宜謹備之

大將刀劍自鳴防有刺客奸人

鼓忽自鳴敵人來

金鼓鳴將有功

城邑中鐘鼓自鳴不出三年有兵

角自鳴兼出血戰勝

鈴鐸自鳴大勝之兆

鐘自鳴將有大功

鐘自鳴將有大功

鐘自鳴將有大功

鐘自鳴將有大功

鐘自鳴將有大功

鐘自鳴將有大功

鐘自鳴將有大功

鐘自鳴將有大功

鐘自鳴將有大功

將軍睡中高語自驚寢計謀必有神助之應

將軍眼矚自動耳鳴忽驚及無故自驚不覺咄嗟

淚出者皆下人有謀慎宜防之

將軍夢雷電軍有驚

夢天上雷鳴破敵擒王

夢月朗雨霽宜前進

夢日暈下人謀上

夢霜雪將失勢夏月大肉士卒逃散

夢大道中走及大戰者有戰

夢食泥土必敗

夢波濤大水宜守

夢水乾得小魚半生坐此吉占大堂堂戰勝

夢得大魚戰大勝

夢得高

夢打鳥大鳥大勝小鳥小勝上鳥宜固守

夢身病必加重

夢吐

夢牙痛

武備

武備志卷一百六十八
夢走馬快利戰處行運者吉
夢身入井者被圍或有半被厄者極士卒
夢人遺刀利戰必勝
夢身飛颺日戰勝名聞千里

武備志卷一百六十八

武備志卷一百六十九

防風茅元儀輯

占度載

占二十二

太乙

茅子曰術家之言紛然也六經所不道也而祖之者必曰先秦先秦時六經之道散而為百家各以其術迎之迎之合于道則其言驗言驗則傳傳而最著者三家曰太乙曰六壬曰奇門太乙奇門皆

謂出于齊之先公留之始矣然無所考至六壬則
范少伯之書詳哉言之以今之法逆而衡其斷不
爽也然則謂非先秦之言不可也太乙者其理該
合于曆家之說故言三家者又必以太乙為統然
太乙之言尤即洛書之九也其曰主客大將參將
始擊之類皆因兵而命名然借兵以喻五行非借
五行以喻兵也以其言兵者切故因而著之簡而
明無若廟算詳而核無若遁局圖斷故載之以言
兵者思過半矣至其推而布陣要之于理亦不外

也說者謂其言鑿鑿者言之過也非理之罪也見
陣制中茲不再若符籙祭禱者亦六經所不道也
六經曰假之卜筮告之神明則其殺而為符籙祭
禱者亦勢所必至也故載其約略而不詳示訓也
太乙廟算一

求歲計太乙行宮并入局入紀法

法曰太乙起自乾每宮二算順推遷數一至九不
入五餘算即宮纏

訣曰置上古上元甲子至所求積年若干算以

大小周法二千六百之數累除之甲子有六紀而六六有三百六十之數也以二千六百之數除之捷法也若以六紀甲子布七十一局入五子元推之得三百六十之數也不滿三百六十之數以行宮大周天二百四十之數除之太乙每宮住三年遊行八宮不入中五而八三有二十四則一小周天也太周天二百四十年除之亦捷法也命起一乾二離三艮四震六兌七坤八坎九巽並順行周復始也餘數命起一

乾宮每宮住二十年不盡零數為行宮卦法如零一為理天零二為理地零三為理人上考往古每年減一算下驗將來每年加一算
假如求大明隆慶庚午太乙行宮寅自上古天皇上元甲子起至所求積年庚午計一千空一十五萬五千四百八十七年以太小周法二千六百之數累除之餘二百四十七算不滿二百六十之數以太乙行宮大周天二百四十之數除之餘七算命起一乾除二算二離又除三算

武備志卷一百六十九 占度書占太乙廟算一

不盡一算為太乙入三艮宮下年為理夫也又置前餘二百四十七算求紀年甲子以六十甲子之數累除之得四即為滿四紀上元甲子外餘七算入五紀中元甲子故大明嘉靖四十二年為中元之甲子也若是甲子順數至庚午恰值七算乃隆慶四年庚午歲也又置餘二百四十七算求入局太乙以五子元七十一局法約之自甲子元除七十一算丙子戊子又各除七十一算則二十七共除二百一十算二三又除六

至

算餘二十一算即為太乙入庚子元三十一局乃隆慶庚午歲也

太乙在三艮宮屬陽主主算三十三奇算重陽火厄又為

無地主太將三宮與太乙同官也

主參將九宮與文昌同官囚囚者拘執之義

天目太炁屬陽也始擊陰主

客算十孤陽客大將一官發

客參將三宮與太乙同計神申

此局太乙理天主天下旱天內助主南蠻兵起

文昌在外可攻內主算不宜大舉主山川變異
為災占在宗廟主太囚有崩亡拘執奔敗事不
利有為主參關受文昌制將相忌之關防隄備
之義近自將目謀在同類不利有為始擊在戌
屬土庚年豐樂夏太水臨奎下臣為孽內苑有
兵臨婁山林寇起道路不通客算孤陽不和
宜舉兵客大發乘休氣客參囚與主太關將相
忌之不及人君也二九月災發梁益之分水旱
不調青州火旱為災甚徐州暴兵霜雪之災也

求計神所在

法曰計神子年起自寅十二辰中要逆巡時計神
至申上起陰局辰亦逆行輪積年十二累除外餘
算住處即計神

訣云置所求積年若干算以計神十二辰大小
訣法除之十二辰者子丑寅卯辰巳午未申酉
戌亥是也除不滿數為那位以子年起寅逆
數住處為計神所在年月日時四計皆同惟時
計夏至後用陰局命子起申逆行又捷法但以

子年起寅逆行十二辰十二年一周天也
 假如求庚午積年計一千空一十五萬五千四百八十七年以十二辰局法累除之餘七算命甲子年起寅逆數至申得七算即隆慶庚午歲計神在申也

求主日文昌文昌即主自也用以以求主如時計用此以安主之奇兵及聞賊以備所在之方也故取天且為主耳

法曰天自起申鄉十六官間順推詳數至乾坤留雙算陰局起寅艮巽雙積年十八累除外餘算住

處即文昌年月日時同此法時計夏至陰局更

訣云置所求積年若干算以天自文昌十八局周法累除之不滿數命申起逆行十六神遇乾坤重一算餘算住處為文昌所在年月日時四計皆風惟時計夏至後起寅亦順行十六神遇艮巽重一算也

- 十六神 乾德雲算 亥太義算 子地主
- 丑陽德 艮和德 寅呂申 卯高叢
- 辰太陽 巽大炁 巳大神 午大威

未天道 二坤大武 二申武德 一酉太簇 一戌陰主

假如求庚午文昌置積年計一千空一十五萬五千四百八十七年以文昌十八局周法累除餘十三算命起申午德一算酉二戌三乾四五亥六子七丑八艮九寅十卯十一辰十二至巽上恰值十三算即庚午年文昌天目而在大泉也

求客自始擊所在取客月以求客算如時計用安客之奇兵及聞賊以

備所在之方也

法曰始擊起元因艮為和德加計神文昌臨處為始擊客自看天輪此其真間無心真擊王天訣云詳計所在之辰用加德看天輪文昌主自所臨之神位為始擊客目也假如求庚午年始擊以計神申加和德則上盤天輪主自文昌巽大艮臨於戌陰主上即庚午歲始擊在陰主也

求直年主客算吉凶

武備志卷二頁九 占度數占大乙廟算一

法曰主客二目算如何只着行宮數幾多問神起
二四宮四六宮起六順行過太乙宮前不凌越得
數便為主算麼有時二目臨太乙只此宮中止算
歌

訣云詳文自始擊所到宮與間神位起算如宮
神位為首按宮位數起算間神位為首只起一
算其次接連宮神起算間神位不算俱至太乙
宮前止看得數多少取主客之算也如上下二
目臨太乙官只依其官得算便住

假如求庚午年主算以前天目文昌自九巽宮
起九巽二離宮二算七坤宮七算六兌宮六算
一乾宮一算八坎宮八算共計三十三算乃數
不至五為無地主地震山崩河竭海湧之變也
又求客算以前始擊戌陰主間神位為一算八
坎宮八算共計十算不遇關囚為和也

求庚午歲主客大叅將行宮所在及關囚掩
迫擊之義

法曰主客大將推法同去十零者即行宮十算仍

占度書占太乙廟算一

須九去之餘一所在看言凶一參將之法依大將三因官數理亦窮滿十去之餘零是掩追關囚事不

通

訣云詳主客算多寡去十餘零數便為主客大將所在之官主客參將只依主客大將所在官數以二因因之得數為官滿十去之取零數為官如止十數以九去之用一是也若主客大小將無相關文昌無囚迫始擊無掩擊為將發發者利而與發也為吉蓋兵強將勇發而必中舉

大之
理一和
而已

而必成之義如或大小將相關文昌遇囚迫始擊逢掩擊為將之不發也為凶歲計遇關者數齊也蓋主客算之數與太乙及木日或大小將同宮又數相齊為關關者若一林二虎一泉二蛟兩相爭鋒勢不兩立互相關防守禦備備之義此將相忌之有相凌爭奔之象不利有為也惟多算及和者勝算少不和者賤事不及於人君也囚者凡太乙與文昌大小將相侵總名曰囚囚有拘繫執止之義喪亡奔敗之禍也迫者

武備志卷之九 占度藏占太乙廟算一

凡太乙左右遇二目大小四將逼迫，不宮名曰迫迫，為侵逼脅持之義。乃上下相凌，左右迫挾之象也。前為外，而後為內，宮為急而辰為緩。太歲在太乙後，陽年災淺而陰年災深也。太歲在太乙前者，反之掩者，陰盛陽衰，陰蝕於陽，王綱失序，上凌下僭，聚襲劫殺之義。凡始擊將臨，太乙命算數以相配，陰陽之數和與不和也。陽無獨立，陰無獨成，一陰一陽，謂道算和。悉順而為祥，不和氣逆而為咎。自然之理也。算和者天地

悉交陰陽氣和而為嘉祥之瑞，算不和反此而為災咎也。

凡太乙在八三四九陽宮，算得一三五七九為奇，乃是重陽之數。主有亢旱火災之厄。太乙在一二六七陰宮，算得二四六八十為耦，乃重陰之數。主有淫雨洪水之厄。皆為不和之算。若太乙在陽宮算得耦，在陰宮算得奇，皆為和算也。一目則以乾次艮震離坤兌宮次為陽，而以亥丑寅辰巳未申戌間神位為陰也。如遇陽宮算

得耦陰宮算得奇為和反此為不和也

金鏡云二九寅辰為純陽四八丑巳為雜陽二
六亥未為純陰一七申戌為雜陰二十三二十
九為重陽二十二二十六為重陰太乙天目立
陰宮算得二十四二十八為雜重陰灾甚太乙
天目立陽宮算得十三十九三十一三十七為
雜重陽次凶甚者内外有謀立陰宮算得十一
十七為陰中陽内有謀者俱以算多和者勝反
此敗太乙天目立陽宮算得二十二二十三十九為

純陽太過主君暴之凶陰宮算得二十二二十
六為純陰太過宮為掩若值二八易氣四六絕
氣之宮歲計人君凶及九宮為絕陰一為絕陽
之宮人臣凶而被誅也擊者奮縱擊搏上下相
凌之義左右相凌之故凡始擊逼近在太乙前
左後右內為擊擊為凌搏擊刺上凌下借之意
辰急宮緩人君將相忌之皆不利有為也但在
內則為后妃宗族之類在外則為藩臣外國之
類是也

占度載占太乙廟第一

假如求庚午歲主客大參將例置前主算三十
 三去二十七用三即大將在三宮而太乙亦在三
 宮此即主大將相侵太乙為囚囚有喪亡等事
 凶而不利也主參將以三囚囚三則三三如九
 即主參在九宮而天目文昌亦在九巽太見宮
 此主參將相侵天目宮亦為囚囚則凶而不利
 也又置前始擊成陰主取客算十去九用一即
 客大將在一宮不遇文昌囚迫始擊掩擊為將
 發此即客大將之發發者利而興發為吉也以

三囚一則三一如三即客參將在三宮與太乙
 同宮亦曰囚此客參囚則不利為客小將也此
 局太乙雖助主主算不和主小將俱囚主不利
 也安居之世不可先舉客算和太將發利為客
 安居之世利後動也

釋主客算及太乙二目吉凶法

張良曰陰陽和不和者謂太乙主客二目就所
 在宮辰主臣強之災雖在陽宮算得純陰在陰
 宮算得純陽亦不吉若是算得十四十八二十

三為上和主八方清泰國有禎祥主客二自得此為將大利算得二十三三十六二十九為次和主天下休兵四塞偃戈人民豐樂算得十二十六二十七三十四三十八為下和主九野人安衣食豐足歲計遇此則為通泰之年也

若算得十六二十六三十六七二十七三十七十八二十八三十八九二十九三十九為三才俱足之算歲計遇此若無關囚掩迫格對提挾相犯則主國有禎祥天降福祐民安年豐

之兆也

若算得單一及二三四五六七八九之算乃算不至十為無夫算或遇關囚掩迫格絕及陰陽不和則天有變異二曜虧蝕及五緯失行彗孛飛流雲電霜雹為殄也

若算得十一十二十三十四十五十六十七十八十九二十二十一二十二二十三二十四之算乃數不至五為無地算或遇關囚掩迫絕氣并提挾格擊為凶則地有變異山崩地震河竭水湧之怪

甚則飛蝗竟天人民相食之變也

若算得單十二二十三十四之算乃數不至一
為無人算或遇關凶掩迫格擊算不和之歲注
人有變異口舌妖譌盜賊之警甚則兵喪疾疫
人民流移饑荒邇相殘害之變也

一算為宮二為比宮有變在君算和無凶迫則
君有福慶不和有凶迫則天變君憂也如唐祖
武德九年巳卯太乙入第一局甲子元十六局
太乙在七宮天目天道算得一主天下清寧也

二算為徵四為比徵有變在宗廟算和則有增
飾遷神主加尊親不和及迫擊主廢壞如晉太
康八年丁未太乙入甲子元四十四局太乙在
一宮天目陽德主算三十三為徵是年太廟天
目間神迫主太將外宮迫

五算為羽六為比羽有變在后妃算和無凶擊
迫挾則吉反此凶如漢武帝元鼎三年丁卯太
乙入甲子元四局太乙在二十宮天目陰德主算
二十五為羽其年杜塞無門始擊陽德客算十

七不和是年太后崩

七算為商八為比商有變在子孫算和無關因掩迫則主太子有成立象反此有憂如魏武帝天錫元年太乙入戊子元十七局太乙在七宮天目大武主算七其年立皇太子也

九算為角十為比角有變在庶人算和無囚迫民安物阜反此則疾疫饑饉如漢獻帝建安元年太乙入壬子元第二十五局太乙在一宮天目臨地主主算得二十九其年大疫人民災

若推災發年月日時並以值年計神加和德詳太乙天目所臨宮辰為災發之期或太乙在二宮則主午年月時災變或臨九宮則辰巳年月災變如宋皇佑壬辰年太乙在七宮計神在戊加和德則太乙臨亥而十月為災發之期或太乙天目同臨三宮則丑寅年月災發之期也若算得二并十一三十二為三門具五將發利興兵出師若算得十為將軍五為吏士一為兵卒如算無十為無將興師不利主將也無五謂

無吏士不利副將無一為無兵卒不利衆卒如
算得十六已上算日和為有將吏士卒之數皆
具利興兵出師以舉百事若十六之下數為不
長單九以下為將吏士卒不具之年不利興兵
百事百忌也

若太乙在一八三四之官居天助為助主不可
出兵攻伐戰敵不可先起即宜後應若太乙在
九二六七之官居天外為助客利興兵攻伐如
遇戰敵不可後進却宜先舉

求定計目法

法曰為客最難明定計便以歲合加歲支文昌臨
處為起算太乙官前止算時假令庚辰十七局太
乙七官太武居辰年酉合加神位文昌坤下呂申
隨間神為首起一算一十六算止大威太乙七官
前莫犯定計目法客算推大叅亦如主客法關囚
格對類不宜

訣云定計目謂客重審之算以歲合加歲支視
天上午昌所臨其下之官辰為定計目也就本

位起算如宮神位爲首按宮神數起算間神位爲首只起一算其後只用宮神位數算至太乙宮前止看得算幾何仍去十用零爲定計大將之官以三因之爲定計參將之官此重審爲客之術也客之算再定大將囚格迫關亦如前主算之法故姜太公云爲客難主易正以再審重用定計之難也歲合者子丑合寅亥合卯戌合辰酉合巳申合午未合是也
假如求辛未年定計法先推本年太乙用入庚

子元三十二局太乙三宮天目大神以歲合午加歲支未上視天目文昌巳大神下臨於一離午大威上則午大威爲定計目也午爲首爲二離宮卽起一算七坤七算六兌六算一乾一算八坎八算前遇太乙在三艮宮輒止算共計二十四算無關囚格迫爲和其二十四算去二上用四則見客定計大將在四宮以三因四成十一去十用二則客定計參將在二宮也餘做此

戰情志卷之七 占度戰占太乙廟

釋為主為客先後法

張留侯云主客有先後之分吉凶明動靜之機
若陳兵原野旗鼓相望先動為客後應為主若
安居之時先起為主後應為客竊以臨陣用兵
主客合以先動為客後應為主安居時主客先
起為主後應為客不可槩論也彼時天下分封
列國戰爭之時有此主客之分也若夫天下
統君其地者獨以為主間有小醜竊發及外夷
干犯皆為之客故風角占云君其地獨為之主

亦是

主客大要

領兵深入異境則為之客是也如統宗云外國
動靜占北夷視安自轉而南行者來北行者不
來以中國為主則視主自文昌外夷為客則視
客自始擊也如唐玄宗天寶十四年安祿山反
命高僊芝討之敗績伏誅是年太乙入八局太
乙在二宮主算短客算長利害不利主以致敗
也按此引證則主客之法可以明矣用兵之道
不明乎此未免誤以主為客以客為主而欲取
勝者鮮矣

求歲計八門占地方分野吉凶

法曰歲計八門置積年一千四百累除先千下復除二百四餘算開門為首傳三十約之求直使命加太乙左周旋開休生門為大吉杜死傷兮太乙言驚云小凶景小吉旺相倍兮尅減焉太乙天目吉門立三不具宜守堅三具之時五將發出帥戰勝功必全

訣曰置上古至今所求積年若干算以入門太周法二千四百累去之千下以二百四十去之

不滿為門周餘以門率三十約之命開門順行即得八門直事所在就以直使加太乙宮左旋即知其門所臨分野災祥蓋此歲計遇開休生三門大吉景門小吉旺相有氣之方嘉祥倍之克制無氣之方為吉減半杜死傷三門大凶驚門小凶旺相有氣之方其禍倍之克制無氣之方為災減半八門者即休生傷杜景死驚開也每門三十年一換則三八共二百四十年為一周以開門為首次第左旋八門遞為直使週而

復始也其八門內開休生為三吉若太乙太白
在開生門下為二門不具蓋開門與杜門相對
所向塞而不通生門與死門相對所向有凶隨
之謂立吉地而向凶門也其二門不具者有景
門小吉在杜死門之中也若太乙與天自在休
門之下為三門不具蓋休門與景門相對為左
右迫之於杜死凶故為三門不具不利興兵如
遇三門具五將發八門開通出軍則道路清虛
戰勝攻取也五將者大乙為監將文昌為主上

將始擊為客上將及主客二太將是為五將也
若始擊將無掩擊文昌將無囚迫主客大小將
無相關及算長而和為之五將發也發者利而
興奮也蓋兵強將勇發而必中舉而必成之義
也夫三門不具不可出兵五將不發不可強戰
也門不具將不發為杜塞不通用兵必凶有敗
軍殺將之兆也

假如求辛未年直使所加分野災祥其法置前
庚午積年再加一算共計一千空一十五萬五

千四百八十八年以大小周法累除之餘不滿者以門率三十約之命起開門除三十年為小周休門除三十年為二小周生門除三十為三周至傷門除三十年共得四周則四二共除一百二十年餘八算是杜門為直使也就以杜門加於太乙三艮宮即見開門臨七坤宮主梁州生門臨一乾宮主冀州休門臨六兌宮主雍州此三門所臨分野皆主大吉傷門臨八坎宮主兗州杜門臨二艮宮主青州死門臨九巽宮主

楊州此三門分野皆主太乙景門臨四震宮主徐州分野小吉驚門臨二離宮主荊州分野小凶是年太乙入庚子元三十二局太乙在三艮宮合杜門天目大神合死門主算二十五主大吉將不出中宮始擊地主擊客算八短客大將入宮內追客參將四宮外追計神未此局太乙天目不立開休生三吉之門下為三門具可以出兵但太乙始擊客大參遇擊迫及主人杜塞無門而客算又短乃主客俱不利宜固守雖二

門具而五將不發不可以強戰也

求月計太乙

法曰月計之法歲計同太乙二月移一官先布積年減一算月實十二乘之功三百六十除不盡餘算入局理自通

訣云置所求積年若干算減一以十二乘之得月實若干算以大小周法三百六十之數累除之不盡餘算即見所求月某甲子復以七十二局法求入局以六十甲子紀法求入紀

假如求隆慶庚午歲正月月計太乙法截自魏太武始光元年天正合朔甲子十一月起算至大明隆慶庚午歲積年計一千一百四十七算減一以十二月數法乘之得月實一萬三千七百五十二個月以太小周法三千六百之數累除之千下以百不滿三百六十之數不盡七十二算以甲子六十周紀法除之得一為上元一紀甲子外餘十二算即巳巳歲十月是乙亥月入一紀中元甲子也又加十一月至正月三算

共十五算則庚午歲正月是戊寅月也以七十
二約之則入甲子元七十二局外三算戊寅正
入丙子元第三局也太乙在二宮天目戊陰主
爲辰迫主算單一不和主大將一宮與太乙囚
又數齊爲關主凶不利上公上將首相及冢宰
上卿太貴人之職有死凶之厄主參將三宮發
計神子始擊將太義爲辰迫不利亞卿副將有
黜降之災俱宜退身避位則其禍庶幾可免客
算四十客大將四宮發客參將二宮發客算長

門具將發利爲客如公卿散衛者占之前爲大
吉之兆有加官進爵之慶也餘倣此

求日計

法曰日計之法月計求月實數得便爲頭閏法三
十二分外五十七秒歸除周除得閏數加月實日
平會法仔細摻摻布二十九日算五十三秒空六
休日平月實相乘了日計積數此傳流

訣云置月實幾萬若干算却以閏月法三十二
分五十七秒歸除之得閏月數幾月零若干算

不及閏數零者不用併入月實幾萬零若干算
共計幾萬零若干算爲實再以日平會法二十
九日五十三分空六秒乘之得積日幾十萬零
若干算以大小周法三千六百之數累除之不
滿三百六十數以六十甲子法除之不盡餘算
爲日計之甲子入紀入局與年計法同若求值
日七元禽星置積日以二十八宿法之數累除
之餘算命起箕宿往算卽直日宿也
假如求庚午歲正月初六日計法置前月實一

萬三千七百五十五算以閏月法三十二分五
十七秒爲法歸除之得閏月數四百二十二個
月外餘一空九六之算不及閏數棄之不用并
前月實共一萬四千一百七十七個月爲實減
以日平會法二十九日五十三分空六秒乘
之得積日四十一萬八千六百二十五日七十
八分五十六秒以大小周法三百六十之數累
除之餘三百零五算以六十甲子法除之則五
六除三日爲滿五紀甲子外餘五算卽巳巳十

二月二十日是六紀甲子內之戊辰日也又加
正月初六日六算共十一算則庚午歲正月初
六日是甲戌也又置前二百十一算求入局自
甲子元除七十二算丙子戊子庚子又各除七
十二算則四七共除二百八十算而四二又除
八算餘二十三算即入壬子元二十三局內甲
戌是也太乙在九宮主算十六和主太將六官
發主參將八宮發發者利而興發也計神辰始
繫武德天目陰德客算二十三長客太將三官

發客參將九官囚此局主客俱利如大夫士庶
占之萬事皆吉 主者守土官在家人 餘做此
求時計 客者使臣商旅之輩

法曰時計定於二至中若逢甲子便為宗一日須
下十二算當日用時數幾終花甲六十餘積算二
十四數除行宮一法五日為一紀五六三旬六紀
終冬至節後用陽遁夏至陰局遁不同有土之君
明歲計月計須于卿與公日計眾官皆共用運籌
將帥時計窮

武備志卷之七 占度載占太乙廟算一

即洪範
王者唯
歲卿士
唯月庶
民唯日
之意

訣云歲計太乙以觀國數災祥乃君后所行以
明四海教化南北動靜之機月計於公卿審辨
存亡調和燮理以明災祥日計太乙令長也乃
眾共用之以計度人間禍福審明長幼與衰正
三綱而備五倫也時計為將帥者明之以運籌
謀策立主客勝負凡天災變異外國動靜及兩
陣相當塵埃劫虜並用時計以占之其法先定
冬至節後用陽道之局以甲子日為首數至用
日積計幾算減一以一日十二時法累除之不

滿六十之數為入紀七十二約之為入局如夏
至後則用陰局之法而太乙起九宮也
假如庚午歲十一月十六庚辰日丁丑時白甲
子起兵計十七算減一以十二乘之得一百九
十二算又加子丑時二算以六十甲子之數累
除之得三為滿三紀上中下元甲子外餘十四
算自甲子數至丁丑是也正值四紀上元之甲
子矣又以七十二局法約除七十二算則甲子
丙子元共去一百四十四算餘五十算即庚辰

日丁丑時入戊子元五十局也又置前一
百九十四算以太乙行宮法二十四數累除之得八
周餘二算命起一乾宮二算住即太乙在二宮
也又置前算以文昌十八局法累除之得十周
餘十四算命起申太武酉戌共三算乾二算至
亥子丑艮寅卯辰巽巳各一算共十四算即巳
太神爲天目文昌也自己間神位起一算二離
二算七坤七算六兌六算前遇太乙在三乾宮
不敢凌越即主算得十六爲長而和也主大將

去千用六即主大將在六宮居太乙後爲內迫
主參將以三因六則三六得十八數去十用八
即主參將在八宮居太乙前爲外迫迫者侵逼
脅持之義上下相凌之象凶而不利也計神命
子起寅逆行丑時是丑即計神所是也始擊以
計神加和德而盤天目文昌巳太神臨於午大
威即客自始擊在大威也自二離起二算七坤
七算六兌六算太乙在前一乾宮即止即客算
得十五客大將參不出中宮爲八門杜杜者杜

武備志卷一百六十九
塞無門凶而不通之兆為將不明此理出兵敗而不歸此局太乙雖助主大小將迫客杜塞無門主客俱不利各宜固守主聞賊備東南天目之地也客聞賊備正南客之地也餘倣此

武備志卷一百六十九

武備志卷一百七十

防風茅元儀輯

占度載

占二十三

太乙廟算二

明奇兵伏兵井主客算出兵次序法

論為將者必明奇兵伏兵術經曰能識奇伏轉禍為福凡用奇兵以三為法千人選三百萬人選三千取主目文昌大殺或客自始擊大殺之

地以安之其地居高去敵三里一麾則鼓譟而
發凡用伏兵必用太乙掩迫之時經曰藏隱潛
迹必居其一謂算得單一或十一廿一三十一
之時伏以山林溝澗之間人不見也待敵將至
鼓譟而發掩彼之軍迫彼之將為我所擒也凡
出兵握衆必抵神力以助之布算運籌明太乙
所在以察之

算得單一出兵步卒在前車騎次之太將軍居
中出門無譟略也宜居一祀西北方以牛脯一
胸酌酒以獻用皂帛為席太將面西北再拜
呪曰一宮太乙萬神護吾三軍令敵自滅莫敢
當我

算得二出兵步卒在前車騎次之太將居中出
門無譟略也宜居一祀正南方以牛脯一胸酌
酒以獻用黃帛為席太將面南再拜
呪曰二宮太乙萬神護吾二軍令敵自驚莫敢
當我

算得三出兵步卒在前車騎次之太將居中出

符呪智
首所不
言然兵
諸道也
御存大
乙奇門

式精志卷二百七十 占度載 太乙廟算二

者其七
長之矣

門無謀略也宜居三祀東北方以牛脯一胸酌酒以獻用青帛為席太將面東北再拜

當我
呪曰三宮太乙萬神護吾三軍令敵自敗莫敢

算得四出兵步卒在前車騎次之太將居中出門無謀略也宜居四祀正東方以牛脯一胸酌酒以獻用赤帛為席太將面東再拜

當我
呪曰四宮太乙萬神護吾三軍令敵自困莫敢

算得六出兵車騎在前步卒在後太將居中鼓譟急行宜居六祀正西方以牛脯一胸酌酒以獻用素帛為席太將面西再拜

當我
呪曰六宮太乙萬神護吾三軍令敵自傷莫敢

算得七出兵車騎在前步卒次之太將居中鼓譟急行宜居七祀西南方以牛脯一胸酌酒以獻用素帛為席太將面西南方再拜

呪曰七宮太乙萬神護吾三軍令敵自懼莫敢

式備志卷之三
占度載 太乙廟筮

當我

算得八出兵車騎在前步卒次之太將居中鼓
譟急行宜居八祀正北方以牛脯一胸酌酒以
獻用皂帛為席太將北面再拜

呪曰八宮太乙萬神護吾三軍令敵自死莫敢
當我

算得九出兵登高大將宜居高地以車騎在前
步卒次之出軍宜鼓譟急行宜居九祀東南方
以牛脯一胸酌酒以獻用赤帛為席太將面東

南方再拜

呪曰九宮太乙萬神護吾三軍令敵自潰莫敢
當我

凡興兵出師術有緩急法有次序為主為客在
乎得算而已如算得一至四宜步卒在前車騎
次之太將居中出門宜肅而不宜譟急所以行
緩而無譟略也如算得六至九宜車騎在前步
卒次之太將居中出門宜鼓譟而不宜緩所以
行急而鼓譟也如用彩帛為席之象亦出于算

若算得一八宜皂帛四九宜赤帛一五宜黃帛
六七宜白帛三青帛為太乙用其色義同算中
無五謂大小將杜塞無門選兵宜登高地大將
居於高地謂避地缺東南低陷之義若為主當
明客算非太乙所在乃得算之宮也

明用兵先後及向背置陣舉旗法

凡陳兵原野旗鼓相望先動為客後應為主如
客算和利臨陣之際宜先動兵主算和利臨陣
之際則宜後應出兵宜向算如算得十六出軍

要略

宜西方

六兌西左也

戰敵宜背算戰利東方也置陣

舉旗之法取主客算得一八者屬水利用皂旗

而布曲陣三算木利直陣青旗四九火利銳陣

赤旗一五土利圓陣黃旗六七金利方陣白旗

如主算十六利用方陣而舉白旗也若兩陣交

鋒雲氣從所得算方來者為順戰勝如主算得

十六雲氣六兌西方來者主勝天自在巳太神

聞賊備東南方如算得二十一文昌在陰主奇

兵宜安西北方文昌即主目所在之宮太殺之


地大乙在二艮宮伏兵利丑寅時也餘倣此
雜訣

論孤虛法

假如子年歲君後一位亥是孤也對冲巳為虛也凡用兵行軍關戰或賭錢爭訟捕捉宜背孤擊虛大勝萬人巳上用年孤千人巳上用月孤五百人用旬中孤百人巳上用日孤十人巳上用時孤太抵是空亡虛即對官是也


黃帝神符

孤虛三星符



代清志卷百七十一 占度載 太乙廟算

孤 虛 四 星



若逢雙之日於左手內書三星符如雙日於右手內書四星符香煙上度過萬無一失也

又祭法

庚申夜面北用棗湯七盞金錢七分雲馬七匹香燈五果鋪設供養用過通錢十五文取一文放在香前餘者用一小盒盛之放香上度過如意禱祝時合手錢擲下字者同青絹帶子擊之饅者用皂絹帶子擊之饅者用皂定雙手擊錢默念呪

呪曰

天寧寧地寧寧孤虛虛神舉意如吾意神不離吾
左右急急如律令勅攝

孤虛詩曰

面向虛神背抵孤

丁兵猛虎勝千人

有人會得孤虛法

丁戰交他百萬輸

年孤虛例

子年孤亥虛巳

丑年孤子虛午

寅年孤丑虛未

卯年孤寅虛申

辰年孤卯虛酉

巳年孤辰虛戌

午年孤巳虛亥

未年孤午虛子

申年孤未虛丑

酉年孤申虛寅

戌年孤酉虛卯

亥年孤戌虛辰

月孤虛例

正月孤丑虛未

二月孤寅虛申

三月孤卯虛酉

四月孤辰虛戌

五月孤巳虛亥

六月孤午虛子

七月孤未虛丑

八月孤申虛寅

九月孤酉虛卯

十月孤戌虛辰

十一月孤亥虛巳

十二月孤子虛午

日孤虛例

子日孤亥虛巳

丑日孤子虛午

寅日孤丑虛未

卯日孤寅虛申

辰日孤卯虛酉

巳日孤辰虛戌

午日孤巳虛亥

未日孤午虛子

申日孤未虛丑

酉日孤申虛寅

戌日孤酉虛卯

亥日孤戌虛辰

時孤虛例

子丑時孤戌亥虛辰巳

寅卯時孤子丑虛午未

辰巳時孤寅卯虛申酉

午未時孤辰巳虛戌亥

申酉時孤午未虛子丑

戌亥時孤申酉虛寅卯

旬中孤虛例

甲子旬孤戌亥虛辰巳

甲戌旬孤申酉虛寅卯

甲申旬孤午未虛子丑

甲午旬孤辰巳虛戌亥

甲辰旬孤寅卯虛申酉

甲寅旬孤子丑虛午未

出兵吉日

天恩日

甲子 乙丑 丙寅 丁卯 戊辰 巳巳

庚辰 辛巳 壬午 癸未 庚戌 辛亥

壬子 癸丑

貴人星

寅申日、丑時 卯酉日、卯時 巳亥日、未時

子午日、酉時 丑未日、亥時

月殺日

正月卯日 二月辰日 三月巳日

四月午日 五月未日 六月申日

七月酉日 八月戌日 九月亥日

十月子日 十月丑日 十一月寅日

白虎日

每月初二日 初十日 十八日 廿六日

巳上四日名白虎忌宜出軍敵人自息大

吉利

六吉日宜出軍立營寨

執破成三日宜出兵勝

建定成二日宜立

營寨大吉

陰陽配合日

東方巳日

西方乙日

南方辛日

北方丁日

白虎協日

每月初三十九十一廿七日吉

青龍協日

每月初七十五二十三吉

東行吉日

天甲子 無丙寅 壬午 庚子 田午 壬子

西行吉日

壬申 戊辰 庚戌 巳丑

南行吉日

丙寅 戊戌

北行吉日

壬申 庚申 甲申 庚寅 甲午 辛丑
壬寅

建除出軍法

建日大吉

除日破賊

滿日兵旺

平定日凶

執日軍捕賊

破日先喜後惱

危日不宜用

成日太吉

收日先喜後凶

開日閉日凶

出兵凶日

詩曰

弦日逢虛悔遇婁

朔神遇角望九求

虛斗盈斗為滅沒

造化行兵萬事休

天地荒蕪五虛八窮九苦日鄉俗最忌

詩曰

正巳二雞三月牛

四猴五鼠六龍頭

七猪八兔九羊位

十寅十一馬中求

惟有十二月臨犬

值日逢之禍不休

斷曰

行軍逢此日

定主不回兵

天敗四窮日

春乙亥

夏丁亥

秋辛亥

冬癸亥

四季壬子丁卯巳亥

急審日

正甲寅 二甲午 三甲戌 四丁卯

五丁巳 六丁丑 七庚寅 八庚子

九庚辰 十癸亥 十一癸巳 十二癸未

三長三短日

正日為歲長 每月且為月長

甲子日為日長 年窮為歲短

月晦為月短 癸亥日為日短

三破日

月月忌 初五日 十四日 二十三日

往日

正寅 二巳 三申 四亥 五卯 六午

七酉 八子 九辰 十未 十一戌 十二丑

又往日

春七 夏八 秋九 冬十

天破日

春辛亥日 夏戊子日

秋巳卯日 冬戊午日

軍中忌

凡興兵動衆大忌風雲無日

行兵吉方

天門吉方

- 正月申 二月酉 三月戌 四月亥
- 五月子 六月丑 七月寅 八月卯
- 九月辰 十月巳 十一月午 十二月未
- 百鬼吉方
- 正月酉 二月戌 三月亥 四月子

五月丑 六月寅 七月卯 八月辰
 九月巳 十月午 十一月未 十二月申
 出軍若行用不備可從天道去吉

正南 二坤 三北 四南 五乾 六東
 七北 八艮 九南 十東 十一巽 十二西
 賊寇逼近日出軍不選好日備此法而去皆通泰而大勝

東屬木但以橫木一枚放在地下跳去背東向西吉

南屬火但以火一塊放在地下跳去背南向北

吉

西屬金但以劍橫地上跳去背西向東吉

北屬水但以水一盆放在地上跳去背北向南

吉

春東行持金 夏南行持水 秋西行持火

冬北行持土 謂之厭旺氣故也

下寨八門吉凶日

甲子 東生利 南開利 西休敗 北死亡

乙丑 東休敗 南開旺 西死亡 北開旺

丙寅 東休敗 南死亡 西生吉 北開旺

丁卯 東開吉 南生旺 西休敗 北開吉

戊辰 東死亡 南生旺 西休敗 北開吉

己巳 東生吉 南死亡 西開吉 北休敗

庚午 東死亡 南休敗 西開旺 北生旺

辛未 東生旺 南開吉 西死亡 北休敗

壬申 東死亡 南休敗 西開吉 北生旺

癸酉 東開利 南休滅 西生旺 北死亡

甲戌	東生旺	南生旺	西休敗	北死亡
乙亥	東休敗	南開旺	西死亡	北生利
丙子	東開旺	南死敗	西開吉	北死亡
丁丑	東開旺	南死亡	西休敗	北生利
戊寅	東開旺	南死敗	西開吉	北休亡
巳卯	東死亡	南吉利	西開旺	北生吉
庚辰	東生吉	南死亡	西休敗	北開吉
辛巳	東生吉	南開旺	西休敗	北死亡
壬午	東生吉	南開吉	西休滅	北死亡

癸未	東休敗	南生利	西死亡	北開旺
甲申	東生利	南開旺	西死亡	北休敗
乙酉	東生吉	南休滅	西生吉	北開旺
丙戌	東生吉	南開吉	西休敗	北死亡
丁亥	東休敗	南生吉	西開吉	北死亡
戊子	東休滅	南死敗	西開旺	北生旺
巳丑	東死亡	南生吉	西休敗	北開旺
庚寅	東死亡	南生吉	西休敗	北死亡
辛卯	東生旺	南休敗	西生吉	北開旺

庚子	巳亥	戊戌	丁酉	丙申	乙未	甲午	癸巳	壬辰
東生吉	東休敗	東生吉	東生吉	東死亡	東生吉	東休禍	東休敗	東生旺
南死亡	南生吉	南死滅	南開旺	南開旺	南開吉	南死滅	南生吉	南開旺
西開旺	西開旺	西開旺	西休滅	西休滅	西休滅	西旺吉	西開吉	西旺吉
北死敗	北死亡	北休敗	北吉利	北開吉	北開吉	北死敗	北死亡	北吉利

辛丑	壬寅	癸卯	甲辰	乙巳	丙午	丁未	戊申	巳酉
東死凶	東生吉	東開吉	東生吉	東休敗	東死禍	東生吉	東亡凶	東休死
南旺吉	南休滅	南死敗	南死凶	南死滅	南亡滅	南滅敗	南生吉	南死亡
西開利	西生利	西休敗	西開旺	西敗亡	西生旺	西凶敗	西死亡	西凶滅
北休禍	北死滅	北滅敗	北休敗	北生旺	北休凶	北死滅	北休敗	北生吉

武備志卷一百七十一 占度戰 太乙廟算二 十七

庚戌	東生旺	南休凶	西滅敗	北開旺
辛亥	東生旺	南凶亡	西開吉	北死敗
壬子	東滅亡	南傷敗	西休凶	北敗亡
癸丑	東開旺	南休敗	西旺吉	北生吉
甲寅	東休滅	南敗亡	西生利	北禍亡
乙卯	東休滅	南凶亡	西休敗	北生旺
丙辰	東亡凶	南生吉	西開旺	北死凶
丁巳	東亡凶	南傷凶	西休敗	北生吉
戊午	東亡凶	南休滅	西傷敗	北生吉

巳未	東開吉	南休凶	西旺吉	北生吉
庚申	東死凶	南開吉	西休敗	北生旺
辛酉	東休敗	南生吉	西死亡	北開旺
壬戌	東開利	南死亡	西旺吉	北生吉
癸亥	東旺吉	南休敗	西生吉	北生吉

右按甲子選日吉凶如是出軍急速人馬已
行轉合不容展轉提兵忽遇凶且必須出行
者於本日内選時方路不妨如是用兵吉日
時方位斷是用事不差如走凶時凶方即凶

式備志卷之三 辰載 太乙廟第二

行兵宜避之無咎

夫行軍之要莫先於避敵之鋒而趨其背此兵家之常法也

然其法之難也莫過於避敵之銳而趨其弱此兵家之奇法也

故曰行兵宜避之無咎此兵家之要訣也

武備志卷一百七十

